

Il stgaziatedral en il Museum retic

■ (anr/gc) Dapreschent èn ins vidlonder da restaurar la catedrala da Cuira. Quai dura anc ca. tschintg onns. Quel temp èn ils objects custavels dal stgazi (museum) da la catedrala depnids en il vischin Museum retic. L'exposiziun d'ina part da quests è vegnida averta il venderdi passà era en preschientscha da l'investg Amédée Grab. Oravant èn ils represchentants dals meds da massa vegnids infurmads davart l'exponat. I sa tracta oravant tut da reliquiaris, objects per il diever liturgic e paramenta. Tals eran vegnids mussads dapi l'entschatta dals onns 40 en il Museumatedral che sa chattava en la sacristia sut dal sanctuari principal da la diocesa da Cuira.

Ina pitschna, mo fina exposiziun

Il directur dal Museum retic, Jürg Simonett, taxescha l'exponat d'ina part da la tresoraria catedrala sco pitschna, dentant fina exposiziun. Ella cumpiglia ca. ina terza dals objects dal Museumatedral. Ses

entir cuntegn è vegnì magasinà en il vischin Museum retic durant che la catedrala da Cuira vegnia restaurada. Tras questa sinergia daventia il Museum retic pli attractiv e blers interessads era dalunsch hajan uschia access al tesor fin il return dal museum sin la Curia episcopala. El è satisfatg da la buna collavraziun e da la cooperaziun legraivla cun las instanzas da la Curt.

A la tschertga d'in nov lieu per il museumatedral

Sur canoni Christoph Casetti è custosatedral e commember da la cumissiun da restauraziun da la catedrala. Fin ussa sa chattava il museum dal dom en la sacristia sut da la catedrala. In return da tal en lez lieu è exclus, siond ch'il spazi manca. Ins ha fatg ponderaziuns, nua endrizzar tal. Ina pussaivladad vesan ins sut la sala gronda dal chastè da l'investg, nua che l'administraziun episcopala sa chatta uss. Là dessi plaz ed i fess in lieu representativ. Ins è fitg cuntent da pudair conservar il stgazi

da la catedrala en il Museum retic e schizunt d'exponer là ina part.

In'exposiziun singulara

Anna Barbara Müller-Fulda, assistenta scientifica dal Museum retic, punctuescha che la tresoraria catedrala na saja betg sulettamain in museum usità. Fertant che stgazis profans na duvrads pli vegnian exponids en il museum, sajan ils objects liturgics – sco quai ch'els èn da vesair en il museumatedral – anc utilisads oz en il servetsch divin. Quai saja singular vi da quella exposiziun. Tals objects laschian percorscher – era sco exponats – il contemplader lur destinaziun sco part da l'annunziaziun da la cardientscha. Quests objects hajan gronda valita artistica cun l'intenziun da render onur a Dieu.

Ils stgazis da la catedrala da Cuira sa cumponan per gronda part da reliquiaris ed objects liturgics (per la messa). Els sajan ina perditga da l'istorgia da 1500 onns da l'investgieu da Cuira e spezialmain da l'ornamentica medievala. Il titel per questa exposiziun – era in prospect faldà orientescha surlonder – derivia da l'inventari da 1589 davart la tresoraria dal dom. El circumscriba era il cuntegn selezziunà dal stgaziatedral. Ina giada sa tracti da reliquiaris, alur d'objects per il diever liturgic en argient ed aur sco era da paramenta custavla – dividì en tschintg parts. Ina visita dat invista davart insaquantas ovras d'art brigiantas da la tresoraria impurtanta da la catedrala da Cuira.

Objects exponids per il diever liturgic: Plauna cun stola, crucifix, chalesch e chandaliers.

Il Museum retic è avert da mardi – venderdi da las 10.00 – 12.00 e da las 14.00 – 17.00. Ils 11 ed da ils 17 da december 2003 datti guidadas publicas.



Da san. Anna Barbara Müller, assistenta scientifica, Jürg Simonett, directur dal Museum retic, e sur canoni e custos Christoph Casetti han orientà davart l'exposiziun.